



SYNOD *Newsletter*

Volume XXXII

No. 409

E-mail: synodnews@gmail.com

OCTOBER, 2017

LÂWRKHAWM

SYNOD HOSPITAL-IN PRESBYTERY INKHÂWMPUI CHHIM TÛR AN TÏR

Hospital Board-in a rêl angin Synod Hospital doctor 25 chu Presbytery Inkhâwmpui chhimin Presbytery pakuaah an kal a, hei hi kumin ațanga tih țan a ni.

RAMTHAR SEMINAR

Synod Mission Board chuan SEC-in a phalsak angin September ni 2, 2017 (Inrinni) khan a thawh khat nân Presbytery 14-ah Ramthar Seminar an buatsaih a. Ramthar rawngbâwna lama hma lâk mêkte leh rawngbâwl zêl dân tûr te zir ho a ni. Tûnah hian Presbytery dangah hetiang Seminar hi buatsaih leh tum mêk a ni.

KOHRAN INPUMKATNA LEH THAWH HONA CHUNGCHÂNG ZIR HONA

Kum 2015 Synod Gen.1 leh 2016: Gen 64-tea lo rêl tawh angin Kohhran Inpumkhatna leh thawh hona chungchâng zir hona zir tûr chu OM-in pawmin lehkhabu tê (booklet)-a siam turin a rêl a. Seminar neih dân tûr chipchiar chu hun dangah la tihchian a ni ang.

SYNOD THURÊL LÂK KHÂWM VOL. V CHHUT TÛRA PEIH A NI

Synod Thurêl Lâk Khâwm Vol.V, 2001-2010 chhûnga mi chu he hna thawk tûra SEC-in a ruat Rev. H. Remthangan a zo leh tawh a. OM chuan SL&PB-in chhuah tûrin hma lo la se, tiin a rêl.

PCI GEN. ASSEMBLY GOSPEL CAMPAIGN VAWI 36-NA

Kum tina buatsaih th̄in PCI Gen. Assembly Gospel Campaign (vawi 36-na) chu December 15 - 18, 2017 chhûng khian Imphal-ah hman tûra tih a ni a. He beihpuiah hian Mizoram Synod chu palai 50 t̄ir tûra tih a ni a. OM chuan a kal tûr mi ruat chu Manipur Area Committee kutah a dah.

PRESBYTERY INKHÂWMPUI TLUANG TAKA HMAN A NI

* *Thua inpawl hona thupui: "Politics-a kohhran mipuite mawhphurhna"*

Presbyterian Kohhran Inkhâwmpui pawimawh tak, 'Presbytery Inkhâwmpui' chu October 8, 2017 (Pathianni) hmang khân Mizoram Synod hnuaiia Presbytery hrang hrangah tluang taka hman a ni. Presbytery Inkhâwmpuiah hian Bial Inkhâwmpui leh Presbytery Standing Committee-in thu a thlente ngaihtuah a ni ber a, Kohhran Upa thlan tharte nemngheh an nih bâkah Kohhran Upa thite sùn an ni th̄in a, Pastor rawngbâwna report thlir th̄in a ni a; Kohhran Upa mi mal chungchâng ngaihtuah tûr a awm chuan nemnghehna (ordination) hlihsak thlenga thu tâwp siam theitu a ni bawk. Presbytery Inkhâwmpui rorêl nân hian Presbytery eng emaw zât chuan ni nh̄ih, Zirtâwpni leh Inrinni an hmang th̄in a; Presbytery th̄nkhat chuan ni khat, Inrinni chauh an hmang thung.

Presbytery Inkhâwmpuiah hian Synod Moderator-in chibai bûkna leh thuchah an thawn th̄in a, kumin 2017-a Synod Moderator chibai bûkna leh thuchaha t̄ar lan tlângpui chu hetiang hi a ni:

1. Kohhran inpumkhatna vawn him: Kohhranin hma a sâwn zêlna chhan pawimawh tak pakhat chu Synod-a inthlun khâwm leh inpumkhatna th̄at vâng a ni a, Kohhran inkhâwmpui rorêl tihhlawhtlinna kawngah leh Pathian ram thilpêkah Synod-a inthlun khâwmna tinghet zâwnga țan lâk zêl a pawimawh.

2. Pathian leh Kohhran tâna rinawm: Ram hmasâwnna leh thiamna țhan zêl laiin Pathian leh kohhran ngai pawimawh tûra inzirtir tam a țul.

3. Ram pum huap beihpui: Inthlanna dik, fel leh thianghlim a awm theih nân te, Pathian th̄ih mi leh kohhran zah thiam mite thlan an nih theih nân te ram pum huap beihpui thlâk a ni a. Party politics ruih chilh lova rilru f̄im put a țul.

4. Kan ram min ei chhe mêktu laka kan him theih nân țan lâk a țul: Zû leh ruihhlovin kan ram min chim nasa. Awlsam tak leh ngampa taka zu lei tûr a lo tam t̄ak avângin zu in an pung a; ruihhlo pawh a tam zual nia sawi a ni. Kan kohhran hian a đin t̄irh ațangin zû leh ruihhlo a duh lo va, hêng laka kan fihl̄im theih nân țan lâk thar a țul.

Kan ramah HIV+/AIDS natna hrik a darh chak a, kohhranhoten nasa taka kan do

a țul. Sawrkâr leh tlâwmngai p̄awlte nêh țan lâk ho dân ngaihtuah a pawimawh.

India ram kal dân thl̄irin India hi Hindu rama siam tumna a lian hlein a lang. Kristiante ngaih theih lohna boruak pawh a nasa sâwt hle a, an hmanrua chu Yoga leh sum a ni. Yoga hi Hindu sakhua nêna inzawm tlat a nihzia kan hriat chiana kan do dâl ngam a țul. Hindu-a siam tûra a thlawna lehkha zirtir tûra naupangtea hma la p̄awl lakah f̄imkhuur deuh deuh a țul.

Sawrkâr laipui hma lâkna UID (Adhaar) te sakawlh anga ngai leh China râl hlauh vânga kohhran chhuahsan tûra inzirtirna - Zirtirna dik lo vângin mi th̄enkhatin kohhran an chhuahsan a, a pawl hle. Hêng zirtirna hi thu belh chian dâwl lo a ni tih hriat a țul a, "Zirtirna him leh dika kohhran mite an kal zêl theih nân theihtâwpin țan i la zêl ang u," tia kohhranhote sâwmin thuchah tlâng a kâwm a ni.

Synod Secretary-in Presbytery tin hnênah chibai bûkna leh hriattir ngai hriattirna lehkha a thawn bawk a. 2017 Presbytery Inkhâwmpuia inpawlhona thupui atân OM-in a thlan, "*Politics-a Kohhran mipuite mawhphurhna*," tih hmanga inpawlhona tum khat buatsaih tûra a ngen angin Presbytery tam zâwk chuan he thupui hmang hian inpawlhona an hmang a, palaiten kawng hrang hrangin an sawi ho a ni.

Synod-in Statistics form thar a siam hmanga inchhiar țan kum a nih avângin kum

SYNOD Newsletter

EDITORIAL STAFF

Rev. Dr. C. Chawngmingliana
 Rev. PC Pachhûnga
 Upa H. Ronghâka
 Rev. R. Laldinthara

Editorial**PATHIAN HNËNA
LAWMTHU SAWI**

Inthiarna hmun pakhatat hian thu ziak a intâr a, chu thu chu: *'Harsatna nei hauh lova i zung thei leh i e thei hi Pathian hnênah lawmthu i sawi ngai em?'* tih hi a ni. Ngaihtuahna a ti thui hle mai. Damdawi inah kal ila zung hlei thei lo leh e hlei thei lo; thâwk harsa ti êm êm, Oxygen nêna tang kawp chung pawha thaw tawk tawk te an lo awm a! Rilru harh fim vek si, che sawn thei lo leh eng mah sawi thei bawk si lo te, kea kal chak ve êm êm, tiang nêna pawha kal hlei thei lo te pawh an awm bawk a. Hetiang dinhmuna dingte hmuh châng hian kan khawngaih ngawih ngawih thîn. Chutih rual chuan mahni lam han inen ila anni aia that bikna pawh nei chuang hauh si lo, chutiang harsatna nei lova kan han awm bik hi Pathian hnênah lawmthu sawi loh a va har êm!

Hmun hla zawk thlir ila, khawpui kawthlêra kutdawh, rilgam tih hriat ngawih ngawih ei tur nei si lo tamzia te kan hmu ang. Piansual dân mak êm êm maia piangsual tlat mai te pawh hmuh tur an awm zêl. Retheih luat avanga mi thil ruk tur zawng ta mai te pawh an awm bawk. Thlasik khaw vawt êm êmah pawh mut lumna tur in nei lo, mi bathlâra puanhlap pakhat nêna riak mai mai pawh kawthlêr tin deuhthawah hmuh tur an awm. An va khawngaihthlak tak em!

Harsatna nei hauh lova zun êk kan inthiar thei te, kan che sawn thei te, kan thaw thei te, a hun taka ei tur leh in tur kan nei te, mi bathlâra riah ngai lova mahni in luma thlamuang taka kan han mu siai siai bik te hi Lalpa zahngaihna a ni tih hria ila. *'Lalpaah chuan lawm fo rawh u, ka ti leh pek thîn ang, lawm rawh u'* tih hi a takin kan kan ti thei dâwn a lo ni reng mai.

Phek 1-na zawm...

danga lang lo – nau piang zâta h mipa leh hmeichhe zât tihlan a ni a; mitthi zâta h mipa hetiang bawk hian mipa leh hmeichhe zât tihlan a ni bawk a. He thu buatsaih laia hriat theih chin, Aizawl khawpui chhông Presbytery-ah te chuan

nau piang inthlahna chu sawi tham vak a awm lo va, hmeichhia aia mipa piang an tam zawkna pawh a awm nual. Mitthiah erawh chuan hmeichhe thi lét zeta tam mipa an thi vek mai a, ngaihtuah a tithui hle.

SL&PB LEHKHABU THAR**'KOHHRANA MI HMASA BIRU LEH TANGKAITE' TLÂNGZARH A NI**

SL&PB lehkhabu chhuah, 'Kohhrana Mi Hmasa Biru Leh Tangkaite' tih chu October 13, 2017 (Zirtawpni) chawhnu dâr 2:00 khân Synod Executive Secretary i/c SL&PB, etc., Rev. P.C. Pachhûnga a tlângzarh. Tlângzarh inkhawm hi Pi Zaii Hall, Synod Conference Centre-ah hman a ni a, Rev. Dr. C. Chawngmingliana, Secretary & Editor, SL&PB-in kaihruaiin Upa H. Ronghâka, Addl. Editor-in inhmêlhriattirna hun a hmang a. Upa R. Lalmalsawman lehkhabu thlir lawkna hun a hman hnuin Rev. P.C. Pachhûnga hian a tlângzarh a, thuchah a sawi nghâl a ni.

He lehkhabu tharah hian Mizoram hmun hrang hranga Pathian rawngbawltu, mi hrât khawkhêng, kohhran ban rinawm tak tak lo ni tawh thîn mi 48 lai chanchin a chuang a. SL&PB chuan Presbytery tin hnênah an huam chhûnga mi, he lehkhabua telh awm chite thlanga an chanchin thawn turin a ngên a. Chûng an rawn thawn atang chuan tehna hrang hmanga chhuah tur thlangtu inruat lehin, chûng thlan chhuahte chanchin chu he lehkhabua hian khung a ni. He lehkhabu hian kohhran rawngbawltu, mi inpe leh hrât khawkhêngte hnathawh leh thil lo tih, hriat zui hlawh lova thâm ral mai tur chu a vawng tha a,

kohhran tân lehkhabu ngaih hlutawm tak a ni. An chanchin chuang chhûngte, an tu leh fate tân phe chuan a hlu danglam hle.

**UCFNEI-A TEL KOHHRAN HRUAITUTE INRÂWN KHÂWMNA**

United Christian Forum-in North East India (UCFNEI)-a tel kohhran hruiatute pualin September 28, 2017 khân St. Joseph's Church, Don Bosco School, Guwahati-ah inrâwn khâwmna (consultation) buatsaih a ni a, Mizoram Synod aiawhin Guwahati Bialtu Pastor K. Lalêngmawia leh Upa John K. Gangte, Secretary, Guwahati Bial te an kal. Heta kalte hian India hmârchhak leh India ram hmun danga Kristiante nêk chêpna leh tihduhdahna thleng thîn tha an tih loh thu leh hetiang thil titute an dem thu chanchinbu/media-

ah chhuah tha an ti. UCFNEI hi April 28, 2014 khân din a ni a, he thawh hona huangh hian North East India Christian Council (NEICC) te, Presbyterian Church of India (PCI) te, Council of Baptist Churches in North East India (CBCNEI) te, North East Regional Catholic Bishops Conference (NERCBC) te atanga kal khâwmin an din a ni a. Evangelical Fellowship of India North East India (EFINEI) pawh tûn hnaiah hian member-ah pawm an ni a, kohhran leh kohhran chhûnga inzawm khâwm pâwl hrang hrangte thawh hona huang a ni.

SYNOD REVIVAL CAMPING BUATSIAH ZÊL A NI

Synod Revival Committee-in a mamawh apiangte tân Synod Revival Camping Centre, Neihbâwi-a thla tin camping a buatsaih chu tluang takin a kal zêl a, kumin atang hian mawhpurthu Bial bik siama a kalhmang thlak danglam hret a nih avângin camper pawh an thahnem thîn hle. October ni 10-14, 2017 chhông khân Speaker atân Pu Lalsangzuala

Ngêntê hmangin camp hi buatsaih a ni a, campers 119 lai an lût a, Durtlâng Pastor Bialin mawhpurhna an la a ni. November thlaah chuan ni 7-11, 2017 chhôngin camp buatsaih leh a ni ang a, speaker atân Upa C. Lachullova hman a ni ang. Camp-a mawhpur turin Chaltlâng Pastor Bial beisei an ni.

Râl Vêngtu

'Dâwt sawina khâwl, dâwt sawina khâwl' tiin Râl Vêngtu chu a au vak a. Mite chu an lo kal khâwm a, "Râl Vêngtu, eng nge ni ta, i au tak vak vak mai," anrawn ti a. Râl Vêngtu chuan, "Sikul tlan bo sia, "Hei, extra class kan nei a, sikul-ah kan la awm," tih te; thiantie nèn emaw, ngaihzáwngte nen emaw, khawi laiah emaw tawm rûk laia, "Hei, bazaar-ah kan kal a, kan lo haw dâwn mək e," tih vêt te. Awm lohna puia awm anga insawi te, tih loh pui ti anga insawi te hi ka ning lutuk ta a, ka au ta vak vak mai alâwm maw le," a ti a.

Mite chuan, "I thil sawi leh i au hla chu kan va suih zawm thiam lo ve. Dâwt sawina khâwl i tih chu eng nge ni ta ber a?" an ti a. Râl Vêngtu chuan, "In mobile phone hi dâwt sawi nân in hman tam êm avâng hian 'dâwt sawina khâwl' ka ti mai asin!" a ti a. Mite chuan, "Chuti zâwngin kan lo ngaihtuah ngai hlei nèm, fimkhur lehzuol a ngai a nih chu," an ti a.

Râl Vêngtu chuan, "Chuti mai a la ni hlei nèm. In changkang tawh lutuk a, puan sũkna khâwl duh tâwk lovin nau awmna khâwl in ti leh zêl a, hêngte hi ngaihtuah chiang rawh u," a ti a. Mite chuan, "Nau awmna khâwl kan la hmang rêng rêng lo," an ti a. Râl Vêngtu chuan, "In hre lo mai mai a nih chu in hmang reng tawh alâwm. Naupang, tawng pawh la tawng thei lo chenin mobile phone an khawih tawh hi. Naupang tap thlêm nân te, naupang chaw ei duh nân te, nau awih mut nân te mobile phone zêl alâwm in hman tawh. Mobile phone in khalhtûr a, nangni'n thil dang in tihsan daih zêl hi. 'Mobile phone khalhtûr chuan an tlei lutuk, thil dang eng mah an mamawh lo' te pawh in tih hi; khâwlin nau in awm a nih ber tawh hi. Hetianga in kal zêl chuan in fate hma lam hun kal zêl tûr chu a ngaihtuahawm ngawt ang," a ti a.

Mite chuan, "Aw! Râl Vêngtu, i hnêna lo kal hi chu kan va hlâwk thîn tak êm! Thil dang pawh min la hrih zêl dâwn nia" tiin an tĩnsan leh ta rih a.

SYNOD BOARD/COMMITTEE HRANG HRANG AN THU

Synod Inkhâwmpui (December 4–10, 2017) atân inbuatsaihin 2016 Synod-in Board/Committee hrang hrang thut hun a ruatah Committee an thu leh ta zêl a, hêngah hian Synod Inkhâwmpuia thu thlen tûr chite rêl a nih bákah kum thar hma lâkna tûr te leh Finance Committee-a thlen tûr budget estimate te thlir ho a ni. Synod-in hun a ruat sa a nih avângin Board/Committee Meeting kohna inpêk a ni ngai lo.

www.mizoramsynod.org

SYNOD HOSPITAL, DURLÂNG AUGUST, 2017 CHHUNGA THILPÊK DAWNTE

I. CHARITY FUND

| | | |
|--|---|----------|
| 1. E. Lungdâr Vêngthar Presbyterian Kohhran | ₹ | 3,000/- |
| 2. Rosâwmliana Vartê, Durlâng Leitan | ₹ | 1,000/- |
| 3. Lalsânglûra, Durlâng Mèl - 5 | ₹ | 1,000/- |
| 4. Pi Liamawii, Tuithiang, Aizâw | ₹ | 1,000/- |
| 5. KTP, Champhai Vêngthang Branch - KTP Diamond Jubilee pual | ₹ | 5,000/- |
| 6. 1st Bn. MAP Rising Day 44-na puola thawktute inhlawhna tĩng khâwm | ₹ | 30,000/- |
| 7. Pi Vanlabiaki te nupa, Leitan South | ₹ | 1,000/- |
| 8. Pu Lalnunsanga, Durlâng Kâwn Vêng | ₹ | 1,000/- |
| 9. KTP, Siphir Vêngthar Bial | ₹ | 5,000/- |
| 10. Tuipuibari Pastor Bial | ₹ | 5,000/- |
| 11. KTP, Chhngchhip Bial | ₹ | 5,000/- |
| 12. R. Lalnunthari, Chhinga Vêng, Aizâw | ₹ | 1,000/- |
| 13. League of Mercy (LOM), Thuampui Corps, Aizâw (LOM Sunday Pual) | ₹ | 5,000/- |
| 14. Isua Krista Kohhran, Siphir | ₹ | 2,000/- |
| 15. Lalchhhhanhimi, Zârkawt, Aizâw | ₹ | 3,500/- |
| 16. Lawngtlai AOC Kohhran Hmeichhia | ₹ | 1,000/- |
| 17. R. Lalêngliana, Durlâng Mèl - 5 | ₹ | 5,000/- |
| 19. Lungdai Presbyterian Kohhran | ₹ | 1,000/- |
| 20. KTP, Keitum Bial | ₹ | 5,000/- |
| 21. Pi Thanluangi, Zârkawt | ₹ | 1,000/- |
| 22. Mr & Mrs Laldawngliana, Aizâw Vênglai | ₹ | 50,000/- |
| 23. N. Muachhng Kohhran Naupang Sunday School | ₹ | 2,688/- |
| 24. Republic Bial Kohhran Hmeichhia | ₹ | 25,000/- |

II. THISEN PETE

| | |
|--|----|
| 1. PYD, Dinthar Bial, Aizâw | 32 |
| 2. KTP, Satek Bial | 57 |
| 3. KTP, Bethlehem Vênglai Branch, Aizâw | 56 |
| 4. JC Security Guard & Labour Supply Agency | 16 |
| 5. KTP, Bethlehem North Branch, Aizâw | 43 |
| 6. Mizoram Hindi Training College, Durlâng North | 17 |
| 7. KTP, Vênghlui Branch | 36 |
| 8. KTP, Aizâw Branch | 7 |

PEK ZÁT

III. GRACE HOME TÂN

| | |
|--|-----------------------|
| 1. Ramhlun Vêngthar Bial Kohhran Hmeichhia | ₹ 10,000/- |
| 2. Maubawk Bial Kohhran Hmeichhia | ₹ 10,000/- |
| 3. YMA, Dâwrpui Branch, Aizâw | Mitthi tuamma puan 20 |

IV. THIL DANG PETE

| | |
|--|---|
| 1. Thingsũlthiah DPO Physiotherapy Room tân dawhkan leh step | |
| 2. Tlungvêl DPO | Physiotherapy room tân khum |
| 3. Khawrhniim DPO | Hmunphiah 10 |
| 4. Chanmari Kohhran Pavalai Pâwl | Compound sâm fai hnallâng |
| 5. Kulikâwn Kohhran Hmeichhia, Aizâw | ICU Kawngkhâr thlâk nân ₹ 35,000/- |
| 6. Keifâng Kohhran Hmeichhia | Delivery bed lei nân ₹ 40,000/- |
| 7. Pu Lalthazuala & Family, Ramhlun North | An fapa Lalthafamkima (L) hriat reng nân Naupang Ward tân wall clock 1 & puan 3 |
| 8. Zohmun Bial Kohhran Hmeichhia | A tûl apiang tân ₹ 3,000/- |
| 9. Khawzâw Vêngsang Kohhran | A tûl apiang tân ₹ 2,000/- |
| 10. Malsâwmtluanga, Qatar | K. Ward tân Mobile handset |
| 11. Zonunsanga Royte, Khatla | K. Ward tân Telephone box |
| 12. Pi Lalduhawmi C/o Pi Thangreil, | Bedsheet 32 leh |
| Mission Vêng, Aizâw | Pillow case 32 |
| 13. Durlâng Mistiri Association | Casualty tân dawhkan 2, file rack 2 leh wall rack 2 |
| 14. Ni. Lalnunthari Sailo, Vaivakâwn | Hmunphiah 40 |
| 15. Ramhlun Vêngthar Bial Kohhran Hmeichhia | Nau neihna khum lei nân ₹ 40,000/- |
| 16. Mission Vêngthang Kohhran Hmeichhia | 1) Casualty thutthlêng leh cushion lei nân ₹ 10,000/- 2) ICU & X-Ray-a damlo gown lei nân ₹ 10,000/- |
| 17. YMA Durlâng Branch | Grace Home mitthi – Mimi Lalremruati ruang hlâwmsak. |

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmtir a, Hospital mamawh tam tak min phuhrukak baw a ni.

Sd/-
REV. R. RAMDINMAWIA
Chaplain

AIZAWL THEOLOGICAL COLLEGE : ADVERTISEMENT FOR COURSES OF STUDY

The following courses will be offered in Aizawl Theological College for the coming Academic Year of 2018 – 2019.

1. Diploma in Clinical Pastoral Counseling (DCPC): One-Year course. Required qualification: B.A./BD & its equivalents and above. Entrance Exam: March 21, 2018 at 9:30 AM. Interview by the Board: May 23, 2018 at 10:30 AM

2. Bachelor of Divinity (B.D.): Four-Year course. Required qualification: B.A. & its equivalents and above. Entrance Exam: February 14, 2018 at 9:30 AM. Interview by the Board: February 16, 2018 at 10:30 AM

3. Master of Theology (M.Th.): Required qualification: B.D. (B Grade and above) or those who qualified themselves from the Senate of Serampore College for the concerned subject in the following disciplines:

Old Testament, New Testament, Christian Theology, History of Christianity, Missiology, Religions and Christian Ministry (Counselling).

Entrance Exam: January 17, 2018 at 9:30 AM.

Interview by the Concerned Department & Faculty: January 18, 2018 at 10:30 AM

Interview by the Board: January 19, 2018 at 10:30 AM

4. Theology Degree in Hindi: Four Years/Five Years course. Required qualification: HSLC (Hindi) & Secular Class XI or BA. Documents: HSLC (Hindi) Certificate, Marksheet, Church Recommendation, Passport size photo 1 copy. Entrance Exam: March 21, 2018 at 9:30 AM. Interview by the Board: March 23, 2018 at 10:30 AM

5. Bachelor of Divinity (B.D.) (Hindi): Required qualification: HSSLC for Five-Year course & B.A. for Four-Year course. Documents: HSSLC/B.A. Certificate, Marksheet, Church Recommendation, Passport size photo 1 copy. Entrance Exam: March 21, 2018 at 9:30 AM. Interview by the Board: March 23, 2018 at 10:30 AM.

6. Doctor of Theology (D.Th.): Required qualification: M.Th. B Grade & above with CET passed in New Testament, Christian Theology, Missiology. Departmental Interview: January 18, 2018 at 10:30 AM. Interview by the Board: January 19, 2018 at 10:30 AM

Application forms for the above (Nos. 3-8) courses and the College prospectus could be obtained from ATC Academic Office on payment of ₹. 10/- for Hindi B.Th/B.D., Rs. 100/- for B.D. & DCPC, ₹. 150/- for M.Th. and ₹. 200/- for D.Th. or from the College web-site. Duly filled in form must be submitted to the Academic Office on or before December 15, 2017 (with late fee of ₹. 50/- on or before January 12, 2017). Those who obtain application forms from the college website should payment ₹. 100.

Sd/-
Principal

For more information please contact - 03892361139 / 03892361664 or see; www.atc.edu.in

**KHAWZAWL CHHIM VÊNG**

KOHRAN chuan ni 1-17 September, 2017 chhông khân Dintharlehna Team Speaker Pu Malsâwmthara leh a rawngbâwlpuite hmangin Camping chhâwng hnih leh naupang pual Camp an buatsaih a. Campers 314 zet lûtin Thlarau Thianghlimin nasa takin hna a thawk a. Kohran pâwl dang aţangte pawhin mi eng emaw zât an lût bawk a, Kohranhote an hlimin an lâwm hle a ni.

NGÛR KOHRAN chuan ni 1-18 September, 2017 chhông khân T. Upa C. Ramtharnghâka, Jehova Jire Team Speaker ruaiin Camping chhâwng thum a buatsaih a. Camper 259 zet lûtin Pathian Biak In thlang pha tawh lo leh ruih theih thilin a tihbuaite leh hnungtawh tawh ten harh tharna ropui tak an chang.

RAWPUICHHÏP KOHRAN chuan ni 20-23 September, 2017 chhông khân Pastor Rosiamliana Tochwawng, Bialtu Pastor Speaker-a hmangin Special Camping a buatsaih a. He Camp-ah hian zu leh thil dang vânga harsatna hrang hrang nei mi 31 lûtin, hêng mite hi an chin ţa lote sima Krista hnung zui turin an inhlân vek a ni. He Camping avâng hian Kohran thlarau lam nun pawh tihharha awmin, Beihrial pawh hlâwk tak leh hlim takin an hmang.

ZAMUANG KOHRAN chuan ni 11-24.9.17 chhông khân Speaker Upa Dêngghingthanga, (Saltâng Chhuahtu Team) te ruaiin rawngbâwltu pual leh mipui pual camping an buatsaih a. Campers 149 leh Naupang Lâng Camp-ah mi 115 lûtin UPC leh IKK aţangin an tel bawk a. Kum eng emaw zât Biak In thlang phâk tawh lo leh ruihhlova tluten chhandamna leh siam tharna changin hlim takin Pathian hnênah an inhlân a ni.

HNARUAK DIL THEIH

A hnuaiâ târ lan ang hian Synod Office-a thawk tûr Junior Engineer post 1 (pakhat) a ruak a. Kum 18 leh 35 inkâr, ni 3.11.2017-a kum 35 la pumhlûm lo tân dil theih a ni. Synod Office aţangin Application Form lâk chhuah tûr a ni a. Application Form-ah hian hriat tûr pawimawh târ lan a ni. Dilna chu a hnuaiâ hmîng ziaik hnênah hian theh luh tûr a ni.

| | |
|----------------------|--|
| Dil theih hun chhông | : Ni 25.10.2017 (Nilaini) tlâi dâr 5:00 thlang |
| Screening Test | : Ni 27.10.2017 (Zirtâwpni) |
| Interview | : Ni 3.11.2017 (Zirtâwpni) Dâr 11:00am |
| A hmun | : Synod Committee Room-I |
| Thiamna | : 3 Years Diploma Holder in Civil Engineering |
| Hlawh | : PB-3: 11000-27500+4800 |

Sd/- Rev. Lalramliana Pachau
Secretary, Synod Service Board

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs. 50/- in office hun chungin MTC Office, Mission Vengthlang aţangin lak chhuah theih a ni e.

| | |
|---------------------|--|
| Dil thei chin | : Class XII pass chin |
| Dil theih hun chung | : 1 st October, 2017 - 31 st January, 2018 |
| Written Test | : February 8, 2018 |
| Interview | : March 2, 2018 |

PATHIAN THU ZIR DUH TÂN

Presbyterian Bible School, Mission Vêng, Aizâwlah C.Th (Certificate in Theology) zir tûr lâk a ni leh dâwn a, dil duh chuan hêng hi hriat tûr a ni e:

1. Admission form hi PBS Office-ah Rs. 10 a lei tûr a ni a, November 13, 2017 (Thawhlejni) tlai dâr 3:00 thlang PBS Office-ah thehluh theih a ni. Dilu chu Class VII pass/Middle School exam pass, kum 16 aia naupang lo, Kohran dân chhônga awm a ni tûr a ni.
2. November 21, 2017 (Thawhlejni) zîng dar 10:00-ah interview neih tûr a ni a, January 10, 2018 (Nilaini)-ah Class ţan tûr a ni.
3. Zir hun chhông thla li i.e. January-April, 2018 a ni. Hrechiang duh tân Phone No. 2317343 / 2325082 / 9436198231-ah zawhfiah theih a ni. Hostel a awm lo.

SÂWMNA

- Ni 1-3 November, 2017 hian Tîngmun Kohran chuan an kum 100 an tlin (Centenary) ruai nêen lawm an tum a. He Kohrana lawi tawh zawng zawng leh Zohmun Pastor Bial-a Pastor leh Pro. Pastor lo ni tawh zawng zawngte he hun hmanpuia lawmpui tûrin an sâwm a. Sâwmna hranpa siam a nih loh avângin hei hi sâwmnaa ngai tûrin an ngên.
- Ni 1-3 December, 2017 chhông hian Hliappui Kohran chuan Kohran Centenary (1917-2017) a lâwm dâwn a. He hun hmanpuia tûr hian Hliappui Kohrana lo lawi tawh zawng zawngte an sâwm.

MKHC MEETING-A SYNOD AIAWH TÛR

Mizoram Kohran Hruaitute Committee (MKHC) chuan PCI, Mizoram Synod aiawh Executive Committee member pahnih ruat tûr leh General Meeting-a aiawh pahnih ruat tûra a ngen angin, OM chuan November 17, 2017 (Friday) 11:00am-a Synod Conference Centre-a General Meeting-a tel tûrin Rev. B. Sângthanga, Executive Secretary leh Upa R. Dêngzikpuia, Synod Secretary (Jr.) te a ruat. Executive Committee member tûra rawtna a neih chu SEC pawm tûr a ni ang.

KRISMAS DÂWN NI PROGRAMME CHUNGCHÂNG

Kumin 2017 December ni 24, Krismas Dâwn Ni (Christmas Eve) hi Pathiani a nih avângin Nilai leh Beihrial Thupui 2017-ah chawhma inkhâwm leh zân inkhâwmah thupui siam a ni a. Hei hian chawhnu inkhâwm awm lo tûr tihna lam a kâwk lo va, hemi zuia programme duan a nih chuan chawhnu inkhâwm chu thupui bik awm lo (free sermon) huna dah mai tûr a ni ang. Puitling Sunday School Zirilaibu lamah December 24, 2017-ah hian zirilai a la awm avângin Nilai leh Beihrial Thupui Bu nêna inmil lo anga ngaih theih a ni bawk a. Zirilaibu ziaktuin 'Ziaktu Thuhma' tâwp lama a sawi angin hei hi Kohran mal remhriatnaa kalpui mai tûr a ni e.